


آدره س :

İDJTIHAD
Constantinople

دوردنچی سنه



آدره س :

اجتهاد اداره خانه سی
دارالمعلمین قارشینه دائرة
مخصوصه در .

سنه ۴۰ آبرونه بدلی ، غروش ، نخه سی
۵۵ باره در .

پنجشنبه کونلری نشر ایدیلیر اقتصادی ، اجتماعی ، ادبی مجموعه

برمکتوب هایون اسلوب

شهرزاده عالی بخت دولتلو نجابتلو مجید افندی
حضرتلرینک برمکتوب هایون
اسلوب لریدر :

جلال نوری بک

بک قیمندار اثر کزی آلام. کوز کزدیردم. مطالعه سی
بک کوچ . چونکه هر صحیفه سنده بر مسئله حیاتیه نیک
جانچراش و واضح تشریحانه و بعضاً عهده ده دوشن
تویخلر ، تکدیرلر مصادف اوله جقم . برکت ویرسون ،
نه قدر صعب اولسه حقیقتدن ذوق آلیر بر روحک مربی
یکانه سی اولق شرفیه کندیمه کوه نیورم . شوقیمندار اثری
میدانه کترین کنج و جدأ بک دکرلی مؤلفنه دها بک چوق
آنازیه مات عثمانیه بی مستفید و ایقاظ ایتسی تمی ایدر
وتقدیم تشکرات ایلرم .

۱۱ شباط سنه ۳۲۸

عبدالمجید

جلال نوری بک جوانامه سی صورتیدر :

معروض چاکر متخصص لریدر
خاندان بلند عنوان سلطنتک رکن اعلم و اکملی رجل
اعقل و انمی اولان ذات سامی نجابتناهی لرندن « مقدرات
تاریخیه » نامنده کی ناچیز اثر ملوکانه م حقیقده من غیر استیحال
شرف تاقی ایلدیکم اراده نامه توازش علامه سنیله لری
دیه بیلیرم که بر عمر ایچنده انسانی کز زیاده بختیار ایدم بیلجک
تشیراتدن بری و بلکه کز برنجیسی تشکیل ایدر بواعتبار ایله
و محضا خطاب جلیل فخامتناهی لریته مظهریت ایله نفس
حقیرانه می نائل اعلی المراتب سعادت فرض ایلرم . سلیمان
شاهک ، عثمان غازی بک ، مراد خداوند کارک ، یاوزک ، قانون بک ،
محمود عدل بک ، عبدالعزیز جنت مکانک حماس و جلا دندن
وقار و عظمتدن ، فروحشمتدن مصنوع و بیک سنه لک بر
آل عال الالک نجابت و اصالتی ذاتنده بحق تجسد و تجسم
ایتدیرن بر نادره شوکتک بویه بر انتفات نجابتناهی لری
هر کسه نصیب اوله میه جق نعمتاردن عدایله خاک پای معلای
اقدسلرینه فرش جبین شکران و محمدم ایلرم قاطیه احواله
امروفرمان حضرت ولی الامر کدر .

۱۲ شباط ۱۳۲۸

مهدل نوری

